

金石萃編

第一函
五冊

鄭氏藏書

PDG

金石萃編卷二十五

賜進士出身 誥授光祿大夫刑部右侍郎加七級王祖謨

晉

任城太守孫夫人碑

碑連額高九尺二寸廣三尺九寸共二十行行三十七字今在新泰縣

晉任城太守夫人孫氏之碑

夫人齊南孫氏之中女也實曰口姬其因

與國同姓別閭族遂以爲氏父列卿光祿

大夫建德亭侯以儒雅稱世濟其休夫人

少有淑質純靜不口寬仁足以容衆明敏

據金石索的是降字訛又別字上脫一文字

足以辯物九族哀母少為父所見慈撫終

哀哀毀聖不易位雖有隱括傳母之訓又

以加父時未固繼室長沙人桓伯序有窻

妻伏氏魏文帝以用妻之伏氏柔少有國

色因非所好而傾違尊命莫之能定夫人

謂父曰何不以常同窻辭之父意乃臨文

帝詔報之曰生敬其人死辭其室追遠敬

終違而得道者也父悅入謂之曰昔臧武

仲先犯齊壯不令與已邑今我不犯尊而

蒙優詔同歸殊塗介國國代伯序為侍中

寡

又為侍郎

此為同寮

故夫人

國之

父為勃

海

大守

十餘

丰政

化大

行孤

寡悅

服

隨

意時

夫人

見

在家

止大

令留

而謂之

乃

感而

退雖

天之

遺然

事君

不懟

能

以

聞

為吏

部尚

書多

須老

成先

帝舊臣

舉之

起火

不忘

君國

而舉

君為侍

中夫

人而

過窮

理盡

情為

父

所異皆

類也

夫

人在

半氏

有度

承上接

下眾

皆悅

之任

城北

生

夫人由

此相

帥孝

加之

謙勤

戰戰

臨深

惟恐不逮是以甥姑嘉其淑婉娣如宗其

德音□夫人為婦卅餘載言無口過□無

怨惡故也□□且感慈□□□□下惟

詩人刑于之言瞻前□後率由弗違以御

于家邦終始以孝聞□夫人之□□□

□□□□二□小子□以弘哲□□□不

率早亡子孫皆仁厚振振有麟止□化皆

之義形□□□□□□□□八丰

□月庚寅□十二月甲申□嗣子迅哀懷

永絕□□又極追惟□□□□□□□□

□力不肅之訓□□歎曰古者鐘鼎□□
所以章君父之令德也又有弭謚□□□
□□□□□□我先妣立□□德同之不
朽可沒而無稱哉於是乃退而□□爲之
辭曰

奕乎文母于我夫人潛神內識又不弥綸

和樂色養□□□□□□□□□□是勤

昧旦□□□□問日新衷難弘多乃罹□□

翼翼□□心惟□□用老□□□□□□□□

□□□□惟□□□□□物物遺孤辟踊靡及

曰古□□□□□□何人告哀

右碑在新泰縣新甫山下向來未有著錄者乾隆甲寅秋阮詹事芸臺搨以見詒文多剝落而點畫嚴整頗似范氏碑筆意任城太守不見其姓名世系據文有夫人在羊氏語知其姓羊也又有庚寅十二月甲申字以干支求之當是泰始六年也又云昔臧武仲先犯齊壯不令予邑蓋用左氏傳齊侯將與臧紇田事壯與莊古書往往通用其云長沙人桓伯序者桓階也魏志階字伯緒此碑作序古人名字多相應當以序爲正

潛研堂金石文跋尾

按魏志列傳桓階字伯緒碑以緒爲序爾正釋詁序
緒也是古字通故也階傳言劉表辟爲從事祭酒欲
妻以妻妹蔡氏階自陳已結婚拒而不受因辭疾告
退是當爲階元配如碑載伏氏年少似是其繼室也
階身歿而遺事可見近杭火宗三國志補注蓋未搜
及之碑言伯序爲侍中父爲侍郎此爲同寮按階傳
魏國初建爲虎賁中郎將侍中而夫人之父官侍郎
亦同其時其後父歷官侍郎渤海太守吏部尚書侍
中則位亦顯矣然史不爲立傳碑亦不書名按盧毓
傳文帝以毓爲吏部尚書使毓自選代乃舉阮武孫

邕帝於是用邕按碑言父爲吏部尚書其時正與相近疑其爲孫邕也又魏志齊王芳紀注引魏書公卿上表列名四十六人中有光祿大夫關內侯臣孫邕碑所題又見論語集解序光祿大夫關內侯臣孫邕碑所題光祿大夫者正相合建德亭侯蓋由關內侯遞封至此耳碑云夫人在羊氏按羊氏當晉時泰山南城門閼最著任城太守爲羊氏之族惜碑不見其名遂莫可稽也晉書職官志王國改太守爲內史以宗室傳證之景王陵太始三年轉封任城王之國是任城爲王國不宜稱太守蓋當云內史而淆亂往往相易不

可遽數如桓彝見武帝紀稱宣城內史及按桓溫傳則亦稱太守皆此類也碑年號已損惟第十五行有十二月甲申字逆推前文有庚寅字又上有八年字据是則爲太始六年歲次庚寅也但微於六字殘其上耳碑以仲爲中太爲大莊爲壯趾爲止皆古通用字乾隆癸丑江君秬香在新泰張孫莊搜得此碑拓一紙屬予及門張璞斯轉致之

授堂金石跋

昔見新泰縣志有晉任城太守李夫人碑求之弗獲乾隆甲寅江子秬香鳳彝搨此碑寄觀額曰晉任城太守夫人孫氏之碑始知志載誤孫爲李也洪景伯

跋廣漢屬國侯夫人碑云漢婦人墓銘見于文士集中固不一石刻存者獨此一碑耳晉碑本少婦人墓銘則尤少况文古書莊不減漢魏夫人父孫夫羊均失其名八年之上殘闕莫辨惟知二子宏明宏哲及嗣子揚迅耳夫人父位列卿封建德侯夫官任城太守爵已不卑史傳宜有紀載當再考之傳母之訓下一字潛神內識下一字與罔極之罔同魏受禪表罔不沾渥省文作罔此作父也殊塗余下作牛隱隱似羊字疑代伯序爲侍中者是羊君父爲侍郎此爲同寮故云云疑其父與羊君同寮因與婚姻夫人曾事

舅姑其舅當在碑中或叙及在前所以後文止云夫人在羊氏不復云何年于歸也惜剝落難辨不敢臆

斷耳

黃易跋

碑及額皆八分書額無太守姓碑云夫人在羊氏晉書諸羊傳無任城太守未詳其名夫人之父魏志亦無傳碑云爲吏部尚書又云舉君爲侍中按盧毓傳毓爲吏部尚書使毓白選代乃舉阮武孫邕帝於是用邕管寧傳侍中孫邕薦寧馥謂邕歷官與碑同疑卽邕又鮑勛傳帝屯陳畱郡界太守孫邕見按碑言父爲渤海太守不云陳畱此其異矣魏文帝典論光

和中北海王和平亦好道術自以當仙濟南孫邕少
事之據此則邕爲濟南人碑稱濟南孫氏或是也碑
又云昔臧武仲先犯齊壯不令與己邑考左傳齊莊
公將爲武仲田與之言伐晉武仲以鼠爲喻遂不與
田碑指此事謚法武而不遂曰莊此莊字本作壯晉
時左傳尚作齊壯公後改爲莊耳漢趙充國蜀漢關
羽魏曹休桓階許褚張郃龐德徐晃文聘州泰並謚
壯侯朱文藻曰碑有八年十二月甲申字八年之上
漫漶莫辨夫人在魏文帝時年已長成自文帝初元
迄元帝禪晉已歷四十六年夫人當逾六旬則入晉

歷年不久終西晉之世有八年者武帝之太始太康
惠帝之元康考元康八年距晉初已三十六年夫人
恐不逮此按元康八年十二月戊戌朔甲申在十一
月太康八年十二月壬寅朔甲申亦在十一月惟泰
始八年十二月庚午朔十五日爲甲申碑當是泰始
八年夫人年垂七十矣

桂馥跋

齊太公呂望表

石連額高五尺四寸廣三尺一寸二
十行行三十字今在汲縣太公廟

大公呂望表

齊大公呂望者此縣人□□□□□天其

口口大晉受命口口口口四海一統大康
二年豐縣之西偏有盜發冢得竹策之書書
藏之豐當秦坑儒之前八十六歲其周志
曰文王夢天帝服口襪以立於令狐之津
帝曰昌賜汝望文王再拜稽首大公於後
亦再拜稽首文王夢之之夷大公夢之亦
然其後文王見大公而訶之曰而名爲望
乎荅曰口口望文王曰吾如有所於見汝
大公言其年月與其曰且盡道其言匪此
以口口也文王曰有之有之遂與之歸以

爲卿士其紀事曰康王六年齊太公望曰
孝丰穀蓋壽百一十餘歲先秦滅學而
藏於此墓天下平泰而發其潛書曰口所
出正在斯邑豈皇天所以章明先哲著其
名彌光于百代垂示無窮者矣於是大公
之裔孫范陽盧无足自太子洗馬來爲汲
令殷谿之下舊有壇場口今隋廢荒而不
治乃咨之碩儒訪諸朝吏僉以爲大公功
施於民以勞定國口之典祀所宜不替且
其山之能興雲雨財用所出遂脩復舊祀

口名計偕口口勒口以章顯烈俾萬載之
後有所稱述其辭曰

於鑠我祖時惟大公當殷之末口德廟諱通
上帝有命以錫周邦公及文王二夢惟同
上帝口命若時登庸遂任心膺寅亮天工
肆伐大商克咸厥功建國能土俾戾于東
奮乎百世聲烈弥洪殷鑒之山明靈所託
升雲降雨爲膏爲澤水旱癘疫是禳是榮
來方禋祀莫敢不敬報以福惠我百姓
天地和舒四氣通正災害不仁民無天命